

Arkiv	Saksbehandlar	Møtedato	Sak nr.
362.0	Knut Øyjordet	23.09.20	35/20

## REGLAR FOR GJERDING RUNDT FRITIDSHYTTER

### *Saksdokument:*

1. Sak 24/20 i fjellstyret.
2. Brev frå fjellstyret av 06.07.20 til beitelaga og faglaga.

### *Saksutgreiing:*

Fjellstyret behandla på førre møte ei sak om gjerding rundt fritidshytter. Bakgrunnen var at Statskog har foreslått reglar for gjerde rundt fritidshytter i Langmorkje statsallmenning. I tillegg har kommunen gjennom behandling av reguleringsplanar for ulike hyttefelt i seinare år, samt revisjon av kommuneplanens arealdel i 2017, fastsett reglar/retningslinjer for gjerding rundt hytter. I saksutgreiinga i sak 24/20 står det noko om historikken ang. reglar for gjerding rundt hytter, samt forslaget frå Statskog og dei kommunale reglane/retningslinjene. Fjellstyret fatta følgjande vedtak:

*Når det gjeld reglar for gjerding rundt fritidshytter, så viser fjellstyret til tidlegare vedtak og meiner det generelt må vera strenge reglar for gjerding rundt hytter både i og utanom regulerte område. Løyve til inngjerding bør berre skje i område med beitedyr, og unntaksvis også for å skjerme seg mot «vær og vind». Eit gjerde for å skjerme seg mot storfe må vera eit viktigare argument for inngjerding enn mot sau, men fjellstyret ser også behovet for å kunne gjerde inn område rundt ei hytte mot sau.*

*Fjellstyret registrerer nå at Statskog foreslår reglar som samsvarer med retningslinjene i kommuneplanens arealdel og som allereie er vedteke for enkelte regulerte hytteområde. Dette gjeld spesielt å kunne akseptere lengde på gjerde opp til 50 meter. Fjellstyret er einig i at det vil vere ein stor fordel at kommunen og Statskog «opererer» med like reglar. Fjellstyret meiner difor at 50 meter med gjerde bør kunne tillast rundt hytter i enkelte område der omfang av beitedyr på utmarksbeite er stort, og spesielt der det blir beita med storfe. Men før fjellstyret tek endeleg stilling til dette, vil fjellstyret sende forslaget på høyring til beitelaga og faglaga.*

*Fjellstyret meiner at eit gjerde rundt ei fritidshytte må vera festa i vegg eller veranda i båe endar.*

Saka vart sendt på høyring til beitelaga, Vågå Sau og Geit, Vågå Bonde- og småbrukarlag og Sel/Vågå Bondelag med frist 1. september for eventuelle merknader. Det er ikkje kome noko uttale.

### *Vurdering:*

Det blir vist til vurderinga i sak 24/20 og til fjellstyret sitt vedtak. Sidan det ikkje har kome merknader, så må ein forstå det slik at beitelaga og faglaga er samde med fjellstyret sitt vedtak.

**Innstilling til vedtak:**

I forslaget frå Statskog om reglar for gjerde rundt fritidshytter i Langmorkje statsallmenning, viser fjellstyret til vedtak i sak 24/20. Fjellstyret har gjennomført ei høyring blant beitelaga og faglaga, og det har ikkje kome merknader på fjellstyret sitt vedtak.

Når det gjeld detaljar omkring reglar for gjerde, ber fjellstyret Statskog om å tilpasse reglane med kommunen sine reglar i kommuneplanens arealdel.

Fjellstyret vil etter kvart i høyring av behandling av enkeltsøknader, foreta ei «sonering» av statsallmenningen, dvs. kva for område det bør tillatast at hyttefestarar kan få sette opp gjerde på inntil 50 meter, og kva for område det ikkje bør tillatast gjerde på inntil 50 meter. Dette har samband med omfang av beitedyr på utmark, som er svært ulikt frå område til område i Langmorkje, og som også kan endre seg over tid. Fjellstyret kan allereie nå signalisere at ein generelt vil sjå positivt på gjerde med inntil 50 meter på «Heimfjellet», dvs. i områda ved Lemonsjøen, Melingen og Flatningen sidan det her er størst omfang av beitedyr i utmark, inkludert storfe.

**Vedtak:**

Samrøystes: I forslaget frå Statskog om reglar for gjerde rundt fritidshytter i Langmorkje statsallmenning, viser fjellstyret til vedtak i sak 24/20. Fjellstyret har gjennomført ei høyring blant beitelaga og faglaga, og det har ikkje kome merknader på fjellstyret sitt vedtak.

Når det gjeld detaljar omkring reglar for gjerde, ber fjellstyret Statskog om å tilpasse reglane med kommunen sine reglar i kommuneplanens arealdel.

Fjellstyret vil etter kvart i høyring av behandling av enkeltsøknader, foreta ei «sonering» av statsallmenningen, dvs. kva for område det bør tillatast at hyttefestarar kan få sette opp gjerde på inntil 50 meter, og kva for område det ikkje bør tillatast gjerde på inntil 50 meter. Dette har samband med omfang av beitedyr på utmark, som er svært ulikt frå område til område i Langmorkje, og som også kan endre seg over tid. Fjellstyret kan allereie nå signalisere at ein generelt vil sjå positivt på gjerde med inntil 50 meter i område det er størst omfang av beitedyr i utmark.

*Rett utskrift. Går til:*

Statskog

*Kopi til:*

Vågå kommune

Vågåmo, 23.09.20

Knut Øyjordet (e.f)

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no